

大明太宗皇帝御制藏經贊

朕惟如來為一大事出現。演三藏十二部之玄言。所以指教垂義者尚矣。自其言流于中土。翻譯其義。以化導群類。非上根圓智之士。鮮能以通之。而得其要者。或寡矣。天治心。道心也者。虛靈明。

佛

贊以願轉

藏

來慈悲之
于卷首且

該貫萬理而無所多聞。必由於藏海。於一心。以是修證。超乎圓妙。常住不動。無有所蔽。此誠末世之津梁。迷途之明炬也。朕撫臨大統。仰承鴻基。念皇考皇妣生育之恩。垂緒之德。劬勞莫報。乃遣使往西土。取藏經之文。刊梓印。

如來演義諦 法音遍克周
世界恒河沙 一一皆具足
化導於群類 咸得成正觀
有漏諸微塵 悉超於覺海
歷阿僧祇劫 廣開方便門
迷妄執空華 一切了明徹

有一弗徹者 誓不成佛陀

我今念眾生 是故廣演說

深心奉塵刹 俱願澄菩提

上報二重恩 下濟諸途苦

昔登無上覺 欲漏盡消除

成就勝妙心 以拯諸末劫

廣此密因義 布施於竺乾

頻伽大梵音 至少不思議

如十方擊鼓 無礙於音聲

有耳皆獲聞 聞者即成覺

堅固無動轉 永不墮輪回

世尊為證明 作如是贊嘆

功德不可說 永被於生靈

永樂八年三月初九日

佛藏

上海世紀出版股份有限公司上海書店
時代出版傳媒股份有限公司黃山書社

第二一冊目錄

占察善惡業報經	二卷	隋菩提登譯	(景八)		一
佛說蓮華面經	二卷	隋那連提耶舍譯	(景九)		一四
佛說三品弟子經	一卷	吳支謙譯	(景十)		二五
佛說四輩經	一卷	西晉竺法護譯	(景十)		二六
佛說當來變經	一卷	西晉竺法護譯	(景十)		二七
過去佛分衛經	一卷	西晉竺法護譯	(景十)		二八
佛說法滅盡經	一卷	劉宋失譯師名	(景十)		二九
佛說甚深大迴向經	一卷	劉宋失譯師名	(景十)		二九
天王太子辟羅經	一卷	秦失譯師名	(景十)		三一
大吉義神咒經	二卷	元魏曇曜譯	(行一一—二)		三二
阿吒婆拘鬼神大將上佛陀羅尼經	一卷	梁失譯師名	(行三)		五一
佛說大普賢陀羅尼經	一卷	梁失譯師名	(行三)		五三
佛說大七寶陀羅尼經	一卷	梁失譯師名	(行三)		五四
六字大陀羅尼咒經	一卷	梁失譯師名	(行三)		五四
佛說安宅神咒經	一卷	後漢失譯師名	(行三)		五五
幻師毘陀神咒經	一卷	東晉曇無蘭譯	(行三)		五七

佛說辟除賊害咒經	一卷	東晉失譯師名	(行三)	·····	五七
佛說咒時氣病經	一卷	東晉曇無蘭譯	(行三)	·····	五八
佛說咒齒經	一卷	東晉曇無蘭譯	(行三)	·····	五八
佛說咒目經	一卷	東晉曇無蘭譯	(行三)	·····	五八
佛說咒小兒經	一卷	東晉曇無蘭譯	(行三)	·····	五八
阿彌陀鼓音聲王陀羅尼經	一卷	梁失譯師名	(行三)	·····	五九
佛說摩尼羅亶經	一卷	東晉曇無蘭譯	(行三)	·····	六〇
佛說檀持羅麻油述經	一卷	東晉曇無蘭譯	(行四)	·····	六二
佛說護諸童子陀羅尼咒經	一卷	元魏菩提留支譯	(行四)	·····	六二
諸佛心陀羅尼經	一卷	唐玄奘譯	(行四)	·····	六四
拔濟苦難陀羅尼經	一卷	唐玄奘譯	(行四)	·····	六五
八名普密陀羅尼經	一卷	唐玄奘譯	(行四)	·····	六六
佛說持世陀羅尼經	一卷	唐玄奘譯	(行四)	·····	六六
佛說六門陀羅尼經	一卷	唐玄奘譯	(行四)	·····	六八
清淨觀世音菩薩普賢陀羅尼經	一卷	唐智通譯	(行四)	·····	六八
諸佛集會陀羅尼經	一卷	唐提曇般若等譯	(行五)	·····	七一
佛說智炬陀羅尼經	一卷	唐提曇般若等譯	(行五)	·····	七二
佛說隨求即得大自在陀羅尼神咒經	一卷	唐寶思惟譯	(行五)	·····	七四

佛說一切法功德莊嚴王經	一卷	唐義淨譯	(行六)	八一
佛說拔除罪障咒王經	一卷	唐義淨譯	(行六)	八七
佛說善夜經	一卷	唐義淨譯	(行六)	八八
佛說虛空藏菩薩能滿諸願最勝心陀羅尼求聞持法	一卷	唐輪波迦羅		
譯	(行六)			八九
佛說佛地經	一卷	唐玄奘譯	(行七)	九一
百千印陀羅尼經	一卷	唐實叉難陀譯	(行七)	九五
莊嚴王陀羅尼咒經	一卷	唐義淨譯	(行七)	九五
香王菩薩陀羅尼咒經	一卷	唐義淨譯	(行七)	九七
優婆夷淨行法門經	二卷	北凉失譯師名	(行八—九)	九八
諸法最上王經	一卷	隋闍那崛多等譯	(行十)	一一三
文殊師利般若涅槃經	一卷	西晉聶道真譯	(維二)	一二四
異出菩薩本起經	一卷	西晉聶道真譯	(維一)	一二六
佛說賢首經	一卷	乞伏秦聖堅譯	(維二)	一三一
千佛因緣經	一卷	姚秦鳩摩羅什譯	(維二)	一三二
八大人覺經	一卷	後漢安世高譯	(維二)	一四〇
佛說月明菩薩經	一卷	吳支謙譯	(維三)	一四一
佛說心明經	一卷	西晉竺法護譯	(維三)	一四二

佛說滅十方冥經	一卷	西晉竺法護譯	(維三)	……	一四四
佛說鹿母經	一卷	西晉竺法護譯	(維三)	……	一四六
佛說魔逆經	一卷	西晉竺法護譯	(維四)	……	一五〇
佛說賴吒和羅所問德光太子經	一卷	西晉竺法護譯	(維五)	……	一五八
商主天子所問經	一卷	隋闍那崛多等譯	(維六)	……	一六七
大乘四法經	一卷	唐實叉難陀譯	(維七)	……	一七五
離垢慧菩薩所問禮佛法經	一卷	唐那提譯	(維七)	……	一七九
寂照神變三摩地經	一卷	唐玄奘譯	(維八)	……	一八一
佛說造塔功德經	一卷	唐地婆訶羅譯	(維九)	……	一八七
佛說不增不减經	一卷	元魏菩提留支譯	(維九)	……	一八八
佛說堅固女經	一卷	隋那連提耶舍譯	(維九)	……	一九一
佛說大乘流轉諸有經	一卷	唐義淨譯	(維九)	……	一九三
佛說大意經	一卷	劉宋求那跋陀羅譯	(維九)	……	一九四
受持七佛名號所生功德經	一卷	唐玄奘譯	(維九)	……	一九六
金剛光焰止風雨陀羅尼經	一卷	唐菩提流志譯	(維十)	……	一九九
大毗盧遮那成佛神變加持經	七卷	唐輸波迦羅共一行譯	(賢一一七)	……	二〇八
蘇婆呼童子經	三卷	唐輸波迦羅共一行譯	(賢八—十)	……	二七六
一字佛頂輪王經	六卷	唐菩提流志譯	(克一一六)	……	三〇〇

蘇悉地羯羅經	四卷	唐輸波迦羅譯	(克七一十)	三五六
金剛頂瑜伽中略出念誦經	四卷	唐金剛智譯	(念一一四)	三九八
廣大寶樓閣善住秘密陀羅尼經	三卷	唐菩提流志譯	(念五——六)	四四三
牟梨曼陀羅咒經	二卷	梁失譯師名	(念七——八)	四六三
金剛頂經曼殊室利菩薩五字心陀羅尼品	一卷	唐金剛智譯	(念九)	四七九
觀自在如意輪菩薩瑜伽法要	一卷	唐金剛智譯	(念九)	四八四
佛說救面然餓鬼陀羅尼神咒經	一卷	唐實叉難陀譯	(念十)	四八九
佛說甘露經陀羅尼	一卷	唐實叉難陀譯	(念十)	四九〇
大陀羅尼末法中一字心咒經	一卷	唐實思惟譯	(念十)	四九〇

小乘經阿含部

中阿含經	六十卷	東晉僧伽提婆譯	(卷第一至卷第三十九)	作一——建	四九七
九)					

占察善惡業報經卷上

上下同卷
出六根聚法中景八

隋外國沙門菩提登譯

如是我聞一時婆伽婆一切智人在王舍城耆闍崛山中以神通力示廣博嚴淨無礙道場與無量無邊諸大衆俱演說甚深根聚法門爾時會中有菩薩名堅淨信從座而起整衣服徧袒右肩合掌白佛言我今於此衆中欲有所問諮請世尊願垂聽許佛言善男子隨汝所問便可說之堅淨信菩薩言如佛先說若我去世正法滅後像法向盡及入末世

如是之時衆生福薄多諸衰惱國土數亂災害頻起種種厄難怖懼逼繞我諸弟子失其善念唯長貪瞋嫉妬我慢設有像似行善法者但求世間利養名稱以之爲主不能專心修出要法爾時衆生親世灾亂心常怯弱憂畏己身及諸親屬不得衣食充養軀命以如此等衆多障礙因緣故於佛法中鈍根少信得道者極少乃至漸漸於三乘中心成就者亦復甚少所有修學世間禪定發諸通業自知宿命者次轉無有如是於後入末法中

經久得道獲信禪定通業等一切全無我今爲此未來惡世像法向盡及末法中有微少善根者請問如來設何方便開化示導令生信心得除衰惱以彼衆生遭值惡時多障礙故退其善心於世間出世間因果法中數起疑惑不能堅心專求善法如是衆生可愍可救世尊大慈一切種智願興方便而曉諭之令離疑網除諸障礙信得增長隨於何乘速獲不退佛告堅淨信言善哉善哉快問斯事深適我意今此衆中有菩薩摩訶薩名曰地藏

汝應以此事而請問之彼當爲汝建立方便開示演說誠汝所願時堅淨信菩薩復白佛言如來世尊無上大智何意不說乃欲令彼地藏菩薩而演說之佛告堅淨信汝莫生高下想此善男子發心已來過無量無邊不可思議阿僧祇劫久已能度薩婆若海功德滿足但依本願自在力故權巧現化影應十方雖復普遊一切刹土常起功業而於五濁惡世化益偏厚亦依本願力所熏習故及因衆生應受化業故也彼從十一劫來莊嚴此

世界成熟衆生是故在斯會中身相端嚴威德殊勝唯除如來無能過者又於此世界所有化業唯除遍吉觀世音等諸大菩薩皆不能及以是菩薩本誓願力速滿衆生一切所求能滅衆生一切重罪除諸障礙現得安隱又是菩薩名爲善安慰說者所謂巧演深法能善開導初學發意求大乘者今不怯弱以如是等因緣於此世界衆生渴仰受化得度是故我今令彼說之爾時堅淨信菩薩既解佛意已尋即勸請地藏菩薩摩訶薩言善哉

救世真士善哉大智開士如我所問惡世衆生以何方便而化導之使離諸障得堅固信如來今者爲欲令汝說是方便宜當知時哀愍爲說爾時地藏菩薩摩訶薩語堅淨信菩薩摩訶薩言善男子諦聽當爲汝說若佛滅後惡世之中諸有比丘比丘尼優婆塞優婆夷於世間出世間因果法未得決定信不能修學無常想苦想無我想不淨想成就現前不能勤觀四聖諦法及十二因緣法亦不勤觀真如實際無生無滅等法以不勤觀如是

法故不能畢竟不作十惡根本過罪於三寶功德種種境界不能專信於三乘中皆無定向如是等人若有種種諸障礙事增長憂慮或疑或悔於一切處心不明求多惱衆事牽纏所作不定思想纒亂廢修道業有如是等障難事者當用木輪相法占察善惡宿世之業現在苦樂吉凶等事緣合故有緣盡則滅業集隨心相現果起不失不壞相應不差如是諦占善惡業報曉喻自心於所疑事以取決了若佛弟子但常學習如此相法至心歸依所觀之事無不成者不應棄捨如是之法而返隨逐世間卜筮種種占相吉凶等事貪著樂習若樂習者深障聖道善男子欲學木輪相者先當刻木如小指許使長短減於一寸正中令其四面方平自餘向兩頭斜漸去之仰手傍擲令使易轉因是義故說名為輪又依此相能破壞衆生邪見疑網轉向正道到安隱處是故名輪其輪相者有三種差別何等為三一者輪相能示宿世所作善惡業種差別其輪有十二者輪相能示宿世

集業又近所作強弱大小差別其輪有三者輪相能示三世中受報差別其輪有六若欲觀宿世作善惡業差別者當刻木為十輪依此十輪書記十善之名一善主在一輪於一面記次以十惡書對十善令使相當亦各記在一面言十善者則為一切衆善根本能攝一切諸餘善法言十惡者亦為一切衆惡根本能攝一切諸餘惡法若欲占此輪相者先當學至心總禮十方一切諸佛因即立願令十方一切衆生速疾皆得親近供養諮受正法次應學至心敬禮十方一切法藏因即立願願令十方一切衆生速疾皆得受持讀誦如法修行及為他說次當學至心敬禮十方一切賢聖因即立願願令十方一切衆生速疾皆得親近供養發菩提心至不退轉後應學至心禮我地藏菩薩摩訶薩因即立願願令十方一切衆生速得除滅惡業重罪離諸障礙資生衆具悉皆充足如是禮已隨所有香華等當修供養修供養者憶念一切佛法僧寶體常遍滿無所不在願令以此香

華等同法性普熏一切諸佛刹土施作佛事又念十方一切供具無時不有我今當以十方所有一切種種香華瓔珞幢幡寶蓋諸珍妙飾種種音樂燈明燭火飲食衣服卧具湯藥乃至盡十方所有一切種種莊嚴供養之具憶想遙擬普共衆生奉獻供養常念一切世界中有修供養者我今隨喜若未修供養者願得闡導令修供養又願我身速能遍至一切刹土於一一佛法僧所各以一切種莊嚴供養之具共一切衆生等持奉獻供養一切諸佛法身色身舍利形像浮圖廟塔一切佛事供養一切所有法藏及說法處供養一切賢聖僧衆願共一切衆生修行如是供養已漸得成就六波羅蜜四無量心深知一切法本來寂靜無生無滅一味平等離念清淨畢竟圓滿又應別復係心供養我地藏菩薩摩訶薩以當稱名若默誦念一心告言南無地藏菩薩摩訶薩如是稱名滿足至千經千念已而作是言地藏菩薩摩訶薩大慈大悲惟願護念我及一切衆生速除諸障增長淨

信令今所觀稱實相應作此語已然後手執木輪於淨物上而傍擲之如是欲自觀法若欲觀他皆亦是應知占其輪相者隨所現業悉應一一諦觀思驗或純具十善或純具十惡或善惡交雜或純善不具或純惡不具如是業因種類不同習氣果報各各別異如佛世尊餘處廣說應當憶念思惟觀察所現業種與今世果報所經苦樂吉凶等事及煩惱業習得相當者名為相應若不相當者謂不至心名虛謬也若占輪相其善惡業俱不

現者此人已證無漏智心專求出離不復樂受世間果報諸有漏業展轉微弱更不增長是故不現又純善不具純惡不具者此二種人善惡之業所有不現者皆是微弱未能牽果是故不現若當來世佛諸弟子已占善惡果報得相應者於五欲衆具得稱意時勿當自縱以起放逸即應思念由我宿世如是善業故今獲此報我今乃可轉更進修不應休止若遭衆厄種種衰惱不吉之事繞亂憂怖不稱意時應當甘受無令疑悔退修善業即

當思念但由我宿世造如是惡業故今獲此報我今應當悔彼惡業專修對治及修餘善無得止住懈怠放逸轉更增集種種苦聚是名占察初輪相法善男子若欲占察過去往昔集業久近所作強弱大小差別者當復刻木為三輪以身口意各主一輪書字記之又於輪正中一面書一書令麤長使微畔次第二面書一書令細短使不至畔次第三面作一傍刻如畫令其麤深次第四面亦作傍刻令使細淺當知善業莊嚴猶如畫飾惡業衰

口者擲口輪相若屬意者擲意輪相不得以此三輪之相一擲通占應當隨業主念一善惡依所屬輪別擲占之復次若占初輪相中唯得身之善於此第二輪相中得身惡者謂無至心不得相應名虛謬也又復不相應者謂占初輪相中得不殺業及得偷盜業意先主觀不殺業而於第二輪相中得身惡者名不相應復次若觀現在從生以來不樂殺業無造殺罪但意主殺業而於此第二輪相中得身大惡者謂名不相應自餘口意中業不相應義亦如是應知善男子若未來世諸衆生等欲求度脫生老病死始學發心修習禪定無相智慧者應當先觀宿世所作惡業多少及以輕重若惡業多厚者不得即學禪定智慧應當先修懺悔之法所以者何此人宿習惡心猛利故於今現在必多造惡毀犯重禁以犯重禁故若不懺悔令其清淨而修禪定智慧者則多有障礙不能尅獲或失心錯亂或外邪所惱或納受邪法增長惡見是故當先修懺悔法若戒根清淨及宿世重罪

得微薄者則離諸障善男子欲修懺悔法者當住靜處隨力所能莊嚴一室內置佛事及安經法懸繒幡蓋求集香華以修供養澡沐身體及洗衣服勿令臭穢於晝日分在此室內三時稱名一心敬禮過去七佛及五十三佛次隨十方面一一總歸擬心遍禮一切諸佛所有色身舍利形像浮圖廟塔一切佛事次復總禮十方三世所有諸佛又當擬心遍禮十方一切法藏次當擬心遍禮十方一切賢聖然後更別稱名禮我地藏菩薩摩訶薩

如是禮已應當說所作罪一心仰告惟願十方諸大慈尊證知護念我今懺悔不復更造願我及一切衆生速得除滅無量劫來十惡四重五逆顛倒謗毀三寶一聞提罪復應思惟如是罪性但從虛妄顛倒心起無有定實而可得者本唯空寂願一切衆生速達心本永滅罪根次應復發勸請之願願令十方一切菩薩未成正覺者願速成正覺若已成正覺者願常住在世轉正法輪不入涅槃次當復發隨喜之願願我及一切衆生畢竟永捨

嫉妬之心於三世中一切刹土所有修學一切功德及成就者悉皆隨喜次當復發迴向之願願我所修一切功德資益一切諸衆生等同趣佛智至涅槃城如是發迴向願已復往餘靜室端坐一心若稱誦若默念我之名號當滅省睡眠若惛蓋多者應於道場室中旋遶誦念次至夜分時若有燈燭光明事者亦應三時恭敬供養悔過發願若不能辦光明事者應當直在餘靜室中一心誦念日日如是行懺悔法勿令懈怠若人宿世遠有喜

基暫時遇惡因緣而造惡法罪障輕微其心猛利意力强者經七日後即得清淨除諸障礙如是衆生等業有厚薄諸根利鈍差別無量或經二七日後而得清淨或經三七日乃至或經七七日後而得清淨若過去現在俱有增上種種重罪者或經百日而得清淨或經二百日乃至或經千日而得清淨若極鈍根罪障最重者但當能發勇猛之心不顧惜身命想常勤稱念晝夜旋遶滅省睡眠禮懺發願樂修供養不懈不廢乃至失命要不休

退如是精進於千日中必獲清淨善男子若欲得知清淨相者從始修行過七日後應當日日於晨朝旦以第二輪相具安手中頻三擲之若身口意皆純善者名得清淨如是未來諸衆生等能修行懺悔者從先過去久遠以來於佛法中各曾習善隨其所修何等功德業有厚薄種種別異是故彼等得清淨時相亦不同或有衆生得三業純善時即更得諸餘好相或有衆生得三業善相時於一日一夜中復見光明遍滿其室或聞殊特異好

香氣身意快然或作善夢夢見佛色身來為作證手摩其頭歎言善哉汝今清淨我來證汝或夢見菩薩身來為作證或夢見佛形像放光而為作證若人未得三業善相但先見聞如此諸事者則為虛妄誑惑詐偽非善相也若人曾有出世善基攝心猛利者我於爾時隨所應度而為現身放大慈光令彼安隱離諸疑怖或示神通種種變化或復令彼自憶宿命所經之事所作善惡或復隨其所樂為說種種深要之法彼人即時於所向乘得

決定信或漸證獲沙門道果復次彼諸衆生若雖未能見我化身轉變說法但當學至心使身口意得清淨相已亦護念令彼衆生速得消滅種種障礙天魔波旬不來破壞乃至九十五種外道邪師一切鬼神亦不來亂所有五蓋展轉輕微堪能修習諸禪智慧復次若未來世諸衆生等雖不爲求禪定智慧出要之道但遭種種衆厄貧窮困苦憂惱逼迫者亦應恭敬禮拜供養悔所作惡恒常發願於一切時一切處勤心稱誦我之名號令

其至誠亦當速脫種種衰惱捨此命已生於善處復次未來之世若在家若出家諸衆生等欲求受清淨妙戒而先已作增上重罪不得受者亦當如上修懺悔法令其至心得身口意善相已即應可受若彼衆生欲習摩訶衍道求受菩薩根本重戒及願總受在家出家一切禁戒所謂攝律儀戒攝善法戒攝化衆生戒而不能得善好戒師廣解菩薩法藏先修行者應當至心於道場內恭敬供養仰告十方諸佛菩薩請爲師證一心立願稱辯

戒相先說十根本重戒次當總舉三種戒聚自誓而受此亦得戒復次未來世諸衆生等欲求出家及已出家者不能得善好戒師及清淨僧衆其心疑惑不得如法受於禁戒者但能學發無上道心亦令身口意得清淨已其未出家者應當剃髮被服法衣如上立願自誓而受菩薩律儀三種戒聚則名具獲波羅提木又出家之戒名爲比丘比丘尼即應推求聲聞律藏及菩薩所習摩德勒伽藏受持讀誦觀察修行若雖出家而其年未滿二

十者應當先誓願受十根本戒及受沙彌沙彌尼所有別戒既受戒已亦名沙彌沙彌尼即應親近供養給侍先修出家學大乘心具受戒者求爲依止之師請問教戒修行威儀如沙彌沙彌尼法若不能值如是之人唯當親近菩薩所修摩德勒伽藏讀誦思惟觀察修行應勤供養佛法僧寶若沙彌尼年已十八者亦當自誓受毗尼藏中式又摩那六戒之法及遍學比丘尼一切戒聚其年若滿二十時乃可如上總受菩薩三種戒聚然後得

名比丘比丘尼若彼衆生雖學懺悔不能至心不獲善相者設作受想不名得戒爾時堅淨信菩薩摩訶薩問地藏菩薩摩訶薩言所說至心者差別有幾種何等至心能獲善相地藏菩薩摩訶薩言善男子我所說至心者略有二種何等爲二一者初始學習求願至心二者攝意專精成就勇猛相應至心得此第二至心者能獲善相此第二至心復有下中上三種差別何等爲三一者一心所謂係想不亂心住了了二者勇猛心所謂專求不

懈不顧身命三者深心所謂與法相應究竟不退若人修習此懺悔法乃至不得下至心者終不能獲清淨善相是名說占第二輪法善男子若欲占察三世中受報差別者當復刻木爲六輪於此六輪以一二三四五六七八九十一一十二十三十四十五十六十七十八等數書字記之一數主一面各三面令數次第不錯不亂當知如此諸數皆從一數而起以一爲本如是數相者顯示一切衆生六根之聚皆從如來藏自性清淨心一實境

界而起依一實境界以之為本所謂依一實境界故有彼無明不了一法界謬念思惟現妄境界分別取著集業因緣生眼耳鼻舌身意等六根以依內六根故對外色聲香味觸法等六塵起眼耳鼻舌身意等六識以依六識故於色聲香味觸法中起違想順想非違非順等想生十八種受若未來世佛諸弟子於三世中所受果報欲決疑意者應當三擲此第三輪想占計合數依數觀之以定善惡如是所觀三世果報善惡之相有一百八十

九種何等為一百八十九種一者求上乘得不退二者所求果現當證三者求中乘得不退四者求下乘得不退五者求神通得成就六者修四梵得成就七者修世禪得成就八者所欲受得妙戒九者所曾受得戒具十者求上乘未住信十一者求中乘未住信十二者求下乘未住信十三者所觀人為善友十四者隨所聞是正法十五者所觀人為惡友十六者隨所聞非正教十七者所觀人有實德十八者所觀人無實德十九者所觀義不

錯謬二十者所觀義是錯謬二十一者有所誦不錯謬二十二者有所誦是錯謬二十三者所修行不錯謬二十四者所見聞是善相二十五者有所證為正實二十六者有所學是錯謬二十七者所見聞非善相二十八者有所證非正法二十九者有所獲邪神持三十者所能說邪智辯三十一者所玄知非人力三十二者應先習觀智道三十三者應先習禪定道三十四者觀所學無障礙三十五者觀所學是所宜三十六者觀所學非所宜

三十七者觀所學是宿習三十八者觀所學非宿習三十九者觀所學善增長四十者觀所學方便少四十一者觀所學無進趣四十二者所求果現未得四十三者求出家當得去四十四者求聞法得教示四十五者求經表得讀誦四十六者觀所作是魔事四十七者觀所作事成就四十八者觀所作事不成四十九者求大富財盈滿五十者求官位當得獲五十一者求壽命得延年五十二者求世仙當得獲五十三者觀學問多所達五十

四者觀學問少所達五十五者求師友得如意五十六者求弟子得如意五十七者求父母得如意五十八者求男女得如意五十九者求妻妾得如意六十者求同伴得如意六十一者觀所慮得和合六十二者所觀人心懷恚六十三者求無恨得歡喜六十四者求和合得如意六十五者所觀人心歡喜六十六者所思人得會見六十七者所思人不復會六十八者所請喚得來集六十九者所憎惡得離之七十者所愛敬得近之七十一者

觀欲聚得和集七十二者觀欲聚不和集七十三者所請喚不得來七十四者所期人必當至七十五者所期人住不來七十六者所觀人得安吉七十七者所觀人不安吉七十八者所觀人已無身七十九者所望見得親之八十者所求覓得見之八十一者求所聞得吉語八十二者所求見不如意八十三者觀所疑即為實八十四者觀所疑為不實八十五者所觀人不和合八十六者求佛事當得獲八十七者求供具當得獲八十八者求

資生得如意八十九者求資生少得獲九十者有所求皆當得九十一者有所求皆不得九十二者有所求少得獲九十三者有所求得如意九十四者有所求速當得九十五者有所求久當得九十六者有所求而損失九十七者有所求得吉利九十八者有所求而受苦九十九者觀所失求當得一百者觀所失求不得一百一者觀所失自還得一百二者求離厄得脫難一百三者求離病得除愈一百四者觀所去無障礙一百五者觀所去

有障礙一百六者觀所住得安止一百七者觀所住不得安一百八者所向處得安快一百九者所向處有厄難一百一十者所向處為魔網一百一十一者所向處難開化一百一十二者所向處可開化一百一十三者所向處自獲利一百一十四者所遊路無惱害一百一十五者所遊路有惱害一百一十六者君民惡饑饉起一百一十七者君民惡多疾疫一百一十八者君民好國豐樂一百一十九者君無道國災亂一百二十者君修德

災亂滅一百二十一者君行惡國將破一百二十二者君修善國還立一百二十三者觀所避得度難一百二十四者觀所避不脫難一百二十五者所住處眾安隱一百二十六者所住處有障難一百二十七者所依聚眾不安一百二十八者閑靜處無諸難一百二十九者觀怪異無損害一百三十者觀怪異有損害一百三十一者觀怪異精進安一百三十二者觀所夢無損害一百三十三者觀所夢有損害一百三十四者觀所夢精進安

一百三十五者觀所夢為吉利一百三十六者觀障亂速得離一百三十七者觀障亂漸得離一百三十八者觀障亂不得離一百三十九者觀障亂一心除一百四十者觀所難速得脫一百四十一者觀所難久得脫一百四十二者觀所難受衰惱一百四十三者觀所難精進脫一百四十四者觀所難合當盡一百四十五者觀所患大不調一百四十六者觀所患非人惱一百四十七者觀所患合非人一百四十八者觀所患可療治一百四

十九者觀所患難療治一百五十者觀所患精進差一百五十一者觀所患久長苦一百五十二者觀所患自當差一百五十三者觀所患向醫堪能治一百五十四者觀所療是對治一百五十五者所服藥當得力一百五十六者觀所患得除愈一百五十七者所向醫不能治一百五十八者觀所療非對治一百五十九者所服藥不得力一百六十者觀所患命當盡一百六十一者從地獄道中來一百六十二者從畜生道中來一百六十三

者從餓鬼道中來一百六十四者從阿脩羅道中來一百六十五者從人道中而來一百六十六者從天道中而來一百六十七者從在家中而來一百六十八者從出家中而來一百六十九者曾值佛供養來一百七十者曾親供養賢聖來一百七十一者曾得聞深法來一百七十二者捨身已入地獄一百七十三者捨身已作畜生一百七十四者捨身已作餓鬼一百七十五者捨身已作阿脩羅一百七十六者捨身已生人道一百七十七

者捨身已爲人王一百七十八者捨身已生天道一百七十九者捨身已爲天王一百八十者捨身已開深法一百八十一者捨身已得出家一百八十二者捨身已值聖僧一百八十三者捨身已生兜率天一百八十四者捨身已生淨佛國一百八十五者捨身已尋見佛一百八十六者捨身已住下乘一百八十七者捨身已住中乘一百八十八者捨身已獲果證一百八十九者捨身已入上乘善男子是名一百八十九種善惡果報差別之

相如此占法隨心所觀主念之事若數合與意相當者無有乖錯若其所擲所合之數與心所觀主念之事不相當者謂不至心名爲虛謬其有三擲而皆無所見者此人則名已得無所有也復次善男子若自發意觀於他人所受果報事亦同爾若有他人不能自占而來求請欲使占者應當籌量觀察自心不貪世間內意清淨然後乃可如上歸敬修行供養至心發願而爲占察不應貪求世間名利如行師道以自妨亂又若內心不清淨

者設令占察而不相當但爲虛謬耳復次若未來世諸衆生等一切所占不獲吉善所求不得種種憂慮逼惱怖懼時應當晝夜常勤誦念我之名字若能至心者所占則吉所求皆獲現離衰惱

占察善惡業報經卷上

占察善惡業報經卷下

隋外國沙門菩提登譯

爾時堅淨信菩薩摩訶薩問地藏菩薩摩訶薩言云何開示求向大乘者進趣方便地藏菩薩摩訶薩言善男子若有衆生欲向大乘者應當先知最初所行根本之業其最初所行根本業者所謂依止一實境界以修信解因修信解力增長故速疾得入菩薩種性所言一實境界者謂衆生心體從本以來不生不滅自性清淨無障無礙猶如虛空離分別

故平等普遍無所不至圓滿十方究竟一相無二無別不變不異無增無減以一切衆生心一切聲聞辟支佛心一切菩薩心一切諸佛心皆同不生不滅無染寂靜真如相故所以者何一切有心起分別者猶如幻化無有真實所謂識受想行憶念緣慮覺知等法種種心數非青非黃非赤非白亦非雜色無有長短方圓大小乃至盡於十方虛空一切世界求心形狀無一區分而可得者但以衆生無明癡暗熏習因緣現妄境界令生念著所謂此心不能自知妄自謂有起覺知想計我所而實無有覺知之相以此妄心畢竟無體不可見故若無覺知能分別者則無十方三世一切境界差別之相以一切法皆不能自有但依妄心分別故有所謂一切境界各不自念爲有知此爲自知彼爲他是故一切法不能自有則無別異唯依妄心不知不了內自無故謂有前外所知境界妄生種種法想謂有謂無謂彼謂此謂是謂非謂好謂惡乃至妄生無量無邊法想當如是知一切

諸法皆從妄想生，依妄心為本。然此妄心無自相故，亦依境界而有所謂緣念。覺知前境界故，說名為心。又此妄心與前境界雖俱相依起，無先後而此妄心能為一切境界源主，所以者何？謂依妄心不了法界一相，故說心有無明。依無明力，因故現妄境界，亦依無明滅故，一切境界滅。非依一切境界自不了，故說境界有無明，亦非依境界故生於無明。以一切諸佛於一切境界不生無明，故又復不依境界滅，故無明心滅，以一切境界從本已

來體性自滅，未曾有故。因如此義，是故但說一切諸法依心為本。當知一切諸法悉名為心，以義體不異為心所攝。故又一切諸法從心所起，與心作相和合而有共生共滅。同無有住，以一切境界但隨心所緣念，念相續故而得住持。暫時為有如是所說心義者，有二種相何等為二？一者心內相，二者心外相。心內相者，復有二種云何為二？一者真，二者妄。所言真者，謂心體本相如，如不異清淨圓滿，無障無礙，微密難見，以遍一切處，常恒不壞。

建立生長一切法，故所言妄者，謂起念分別。覺知緣慮憶想等事，雖復相續能生一切種種境界，而內虛偽，無有真實，不可見。故所言心外相者，謂一切諸法種種境界等，隨有所念境界現前，故知有內心及內心差別如是。當知內妄相者，為因為體外妄相者，為果。為用依如此等義，是故我說一切諸法悉名為心。又復當知心外相者，如夢所見種種境界，唯心想作無實外事。一切境界悉亦如是，以皆依無明識夢所見妄想作，故復次應知內

心心念念不住，故所見所緣一切境界亦隨心心念念不住，所謂心生故種種法生，心滅故種種法滅。是生滅相，但有名字實不可得。以心不往至於境界，境界亦不來至於心如鏡中像，無來無去是故一切法求生滅定相了，不可得。所謂一切法畢竟無體本來常空實不生滅，故如是一切法實不生滅者，則無一切境界差別之相。寂靜一味名為真如第一義諦，自性清淨心，彼自性清淨心湛然圓滿，以無分別相，故無分別相者於一切處無所不

在，無所不在者，以能依持建立一切法，故復次彼心名如來藏，所謂具足無量無邊不可思議，無漏清淨功德之業，以諸佛法身從無始本際來無障無礙自在不滅一切現化種種功業，恒常熾然未曾休息，所謂遍一切世界皆示作業種種化益，故以一佛身即是一切諸佛身，一切諸佛身即是一佛身，所有作業亦皆共一，所謂無分別相不念彼此平等無二，以依二法性而有作業，同自然化體無別異，故如是諸佛法身遍一切處圓滿不動

故隨諸眾生生死，此生彼恒為作依，譬如虛空悉能容受一切色像種種形類，以一切色像種種形類皆依虛空而有建立，生長住虛空中為虛空處所攝，以虛空為體，無有能出虛空界分者。當知色像之中虛空之界不可毀滅，色像壞時還歸虛空，而虛空本界無增無減，不動不變。諸佛法身亦復如是，悉能容受一切眾生種種果報，以一切眾生種種果報皆依諸佛法身而有建立，生長住法身中為法身處所攝，以法身為體，無有能出法身界

分者當知一切眾生身中諸佛法身亦不可毀滅若煩惱斷壞時還歸法身而法身本界無增無減不動不變但從無始世來與無明心俱癡闇因緣熏習力故現妄境界以依妄境界熏習因緣故起妄相應心計我我所造集諸業受生死苦說彼法身名為眾生若如是眾生中法身熏習而有力者煩惱漸薄能歇世間求涅槃道信歸一實修六波羅蜜等一切菩提分法名為菩薩若如是菩薩中修行一切善法滿足究竟得離無明睡者轉名為佛當知如是眾生菩薩佛等但依世間假名言說故而有差別而法身之體畢竟平等無有異相善男子是名略說一實境界義若欲依一實境界修信解者應當學習二種觀道何等為二者唯心識觀二者真如實觀

學唯心識觀者所謂於一切時一切處隨身口意所有作業悉當觀察知唯是心乃至一切境界若心住念皆當察知勿令使心無記攀緣不自覺知於念念間悉應觀察隨心有所緣念還當使心隨逐彼念令心自知知已

內心自生想念非一切境界有念有分別也所謂內心自生長短好惡是非得失衰利有無等見無量諸想而一切境界未曾有想起於分別當知一切境界自無分別想故即自非長非短非好非惡乃至非有非無離一切相如是觀察一切法唯心想生若使離心則無一法一相而能自見有差別也常應如是守記內心知唯妄念無實境界勿令休廢是名修學唯心識觀若心無記不知自心念者即謂有前境界不名唯心識觀又守記內心

者則知貪想瞋想及愚癡邪見想知善知不善知無記知心勞慮種種諸苦若於坐時隨心所緣念念觀知唯心生滅譬如水流燈燄無暫時住從是當得色寂三昧得此三昧已次應學習信奢摩他觀心及信毗婆舍那觀心習信奢摩他觀心者思惟內心不可見相圓滿不動無來無去本性不生不滅離分別故習信毗婆舍那觀心者想見內外色隨心生隨心滅乃至習想見佛色身亦復如是隨心生隨心滅如幻如化如水中月如鏡中像

非心不離心非來非不來非去非不去非生非不生非作非不作善男子若能習信此二觀心者速得趣會一乘之道當知如是唯心識觀名為最上智慧之門所謂能令其心猛利長信解力疾入空義得發無上大菩提心故若學習真如實觀者思惟心性無生無滅不住見聞覺知求離一切分別之想漸漸能過空處識處無少處非想非非想處等定境界相得相似空三昧得相似空三昧時識想受行蘊分別相不現在前從此修學為善知

識大慈悲者守護長養是故離諸障礙勤修不廢展轉能入心寂三昧得是三昧已即復能入一行三昧入是一行三昧已見佛無數發深廣行心住堅信位所謂於奢摩他毗婆舍那二種觀道決定信解能決定向隨所修學世間諸禪三昧之業無所樂著乃至遍修一切善根菩提分法於生死中無所怯畏不樂二乘以依能習向二觀心最妙巧便眾智所依行根本故復次修學如上信解者人有二種何等為二者利根二者鈍根其利根